



JL 6  
2529  
28



門牌 86  
號 2529  
卷 49-28

吉林通志卷六十八

職官志十一 裁缺表

裁缺官

巡察御史 雍正二年初設滿漢御史各一員七年裁漢御史嘉慶四年滿御史亦裁

滿御史

漢御史

雍正二年 邁柱 滿洲鑲藍旗人

趙殿最 浙江□□人

赫色 滿洲鑲藍旗人

王弼 □□□□人

三年 蘇赫 滿洲正黃旗人

方觀 □□□□人

四年 常德 滿洲鑲紅旗人

陳德 □□□□人

五年 馬賽 滿洲正白旗人

王聯晉 四川□□人

六年	那泰	滿洲鑲紅旗人	馮長發	陝西□□人
七年	雅爾虎達	滿洲正白旗人	漢御史缺是年奉裁	
八年	鄂昌	滿洲正黃旗人		
九年	平圖	滿洲口藍旗人		
十年	常祿	蒙古鑲白旗人		
十一年	薩哈諒	滿洲鑲藍旗人		
十二年	承祚	滿洲鑲藍旗人		
乾隆元年	慧中	滿洲正黃旗人		
二年	蘇昌	滿洲正藍旗人		
三年	蘇赫臣	滿洲正藍旗人四年五年留任		

六年	官福	滿洲鑲紅旗人		
七年	武柱	滿洲鑲黃旗人		
八年	台柱	滿洲鑲藍旗人		
十年	武柱	再任		
十一年	塔坦	滿洲正紅旗人		
十二年	官泰	滿洲鑲白旗人		
十八年	傅森	滿洲正黃旗人		
二十一年	伊祿順	滿洲正白旗人		
二十四年	耀海	滿洲正白旗人		
二十七年	甯泰	滿洲鑲白旗人		

三十年	宗室玉鼎柱 鑲藍旗人								
二十九年	增祿 滿洲鑲藍旗人								
二十八年	覺羅敦岱 鑲黃旗人								
二十七年	永安 滿洲正紅旗人								
二十四年	素卜東阿 蒙古鑲紅旗人								
二十四年	宗室麟宵 正藍旗人								
同治四年	按滿御史缺嘉慶四年奉裁自是年至裁缺年分任人無者 理刑司 同治四年初設掌印滿郎中主蒙漢員外郎幫蒙漢主事光緒八年裁幫蒙漢主事十二年掌印主蒙缺亦裁	掌印滿郎中	主蒙漢員外郎	幫蒙漢主事	祝禎 順天大興人四品銜刑部候補	王建本 山東淄川人刑部候補主			

五年	覺羅常岱 滿洲正白旗人刑部	員外郎					
七年	中郎		楊士端 直隸臨榆人 府銜刑部郎中	趙樸 山東德州人 刑部候補主事			
八年	齡椿 滿洲鑲白旗人 知府銜刑部郎中						
九年				童德中 四川江北人 員外郎銜刑部候補主事			
十年							

吉林通志卷六十八

毛鎮撫  
道銜刑部郎中

三

光緒二年	富泰 道銜刑部郎中	查炳章 順天宛平人 四品銜刑部候補員外郎	何友濟 員外郎銜刑部候補主事	補郎中
十一年	傑光 滿洲正藍旗人 刑部郎中			
三年		馮棻宗 四品銜刑部候補主事		
五年	文凱 刑部郎中	陶家驊 江西南昌人 刑部郎中		
六年	英顯 刑部郎中	馬文耀 山西懷仁人 刑部主事		

十年	啟勳 四品銜郎中 是缺	趙蓉鏡 甘肅平涼人 刑部郎中兼		
	府刑部郎中 十二年奉裁	龔雲騎尉 是缺 十二年奉裁		
				缺八年奉裁

吉林通志卷六十九

職官志十二 宦績一

耶律倍

耶律安圖

耶律迪里

耶律伊濟

耶律蘇色

蕭恆德

耶律額布勒

蕭柳

耶律布庫

耶律哈爾吉

耶律浩善

耶律仙童

大康父

大公鼎

耶律特默

耶律適祿

蕭烏納以上

烏頁爾

來阿巴齊

達春

劉哈喇巴爾圖

努都爾噶以上

耶律倍小字托雲原作圖欲聰敏好學外寬內摯神册元

年春立為皇太子續通志會西征留守京師宏簡錄因陳

取渤海計天顯元年從征拔扶餘城帝欲括戶口諫

曰今始得地而料民民必不安若乘破竹之勢徑造

輝罕原作忽汗城克之必矣太祖從之續通志命為前鋒夜

圍輝罕城大譴讓降宏簡錄尋復叛太祖破之改其國

曰東丹遼史城曰天福宏簡錄以倍為人皇王主之遼史亦

有宮殿被十二旒冕服皆畫龍象契丹國志建元甘露稱

制置左右大次四相及百官遼史凡左右平章事大內

相以下百官皆自除授契丹國志歲貢布十五萬端馬千

匹諭之曰此地瀕海非可久居留汝撫治以見朕愛

民之心駕將還倍作歌以獻續通志陛辭太祖曰得汝

治東土吾復何憂號泣而別遂如儀坤州未幾太祖

訃至即日奔赴山陵宏簡錄耶律迪里建言帝位宜先

嫡長今東丹赴朝當立遼史七諸部希后意共立德

光五代史記立後尚在皇都詔遣耶律伊濟遷東丹民以

實東平宏簡錄徙倍居之

耶律安圖原作安端字猥隱太祖五子皇子表天贊元年征

渤海破老相兵三萬餘人安邊鄭頡定理三府叛平

之續通志太祖崩母舒嚕遣安端之扶餘按資治通鑑作守東丹

代托雲原作突欲五代史天祿初以功王東丹國賜號明王

遼史表

耶律迪里原作覲烈字裕勒沁原作兀里軫遼史裕悅赫嚕之弟

續通志以謹愿寬恕大見器使太祖即位入侍帷幄與

聞政事宏簡錄從伐渤海拔扶餘城留迪里與伊德實

原作寅底石守之天顯二年留守南京按續通志作東京十年卒

年五十六弟伊濟遼史

伊濟原作羽之小字烏里原作兀里字伊德森原作底幼豪爽

不羣長嗜學通諸部語太祖經營之初多預軍謀遼史

天顯元年命為東丹王中臺省右次相宏簡錄時人心

未安左大相特爾格原作迭刺不踰月薨伊濟蒞事勤恪

威信並行太宗即位上表曰我大聖天皇始有東土

擇賢輔以撫斯民不以臣愚而任之國家利害敢不

以聞遼史渤海昔畏南朝阻險自衛居輝罕城今去上

京遼邈既不為用又不罷戍果欲何為宏簡錄先帝因

彼離心乘釁而動故不戰而克天授人與彼一時也

遺種寢以蕃息今居遠境恐為後患梁水之地乃其



故鄉地衍土沃有木鐵鹽魚之利乘其微弱徙還其民萬世長策也彼得故鄉又獲木鐵鹽魚之饒必安居樂業然後選徒以翼吾左突厥黨項室韋夾輔吾右可以坐制南邦混一天下成聖祖未集之功貽後世無疆之福表奏帝嘉納之是歲詔徙東丹國民於梁水按太祖本紀作東平梁水即郡之東梁河也時稱其善遼史東丹王自以失職越海奔唐通鑑二百七十七伊濟鎮撫國人一切如故以功加守太傅遷中臺省左相會同初以冊禮赴闕加特進遼史表奏左次相渤海大素賢貪墨不法事詔僚佐部民舉有才德代之宏簡錄卒子和哩原作和里終

東京留守遼史

耶律蘇色原作速撒字阿敏性忠直簡毅練武事應歷初

為侍從累遷圖魯卜原作突呂不部節度使歷霸濟祥順

聖五州都總管俄為敦睦宮太師保甯三年改九部

都詳衮遼史凡臨戎陳與士卒同甘苦所獲均賜將校

賞順討逆威信大振在邊二十年卒宏簡錄

蕭恆德字遜甯有膽略而善謀統和元年尙越國公

主拜駙馬都尉遷北面林牙從宣徽使耶律阿穆爾

原作阿沒里征高麗還改北面林牙為東京留守遼史烏舍

烏哲圖渤海雅爾丕勒等侵鐵驪宏簡錄從都部署和

碩鼐原作和往討遼駐於鐵驪秣馬數月和碩進至

城下哲圖請降有詔撫諭宏簡恆德利其俘獲不許

遼下令急攻城中大恐哲圖率眾死守依埤堦虛構

戰柵誘軍登陴俄撤支柱登者盡覆宏簡和碩鼐議

欲引退恆德曰以彼倔強吾奉詔來討無功而還諸

部謂我何若深入多獲猶勝徒返和碩鼐不得已進

擊東南諸部至高麗北鄙比還道遠糧絕士馬死傷

甚眾坐是削功臣號十四年為行軍都部署伐博囉

滿達勒原作蒲部還因事賜死遼

耶律額布勒原作烏不呂字留隱續通嚴重有膂

力善屬文統和中從蕭恆德伐博囉滿達勒部以功

為東路統軍都監遼史德讓薦其材可任統軍使必能

鎮撫諸番太后從之加金紫崇祿大夫檢校太尉宏

錄其後退歸田里以疾卒遼

蕭柳字圖們原作幼養於伯父巴雅爾原作多知能

文膂力絕人統和中叔父恆德臨終薦其才詔入侍

衛遼為北女真詳袞政濟寬猛部民畏愛遷東路統

軍使秩滿百姓願留許之續通從伐高麗遇大蛇當

路拔劍斬之師還致仕生平好滑稽雖君臣燕飲詼

諧無所忌時故比之俳優宏簡臨終謂人曰吾少有

致君志不能直遂故以諧進冀萬有一補頃之被寢衣而坐呼曰吾去矣言訖而逝遼史

耶律布庫原作蒲古字提隱太祖弟蘇四世孫續通志以武

勇稱統和初為涿州刺史從伐高麗有功遼史太平二

年城鴨綠江命守之在鎮有治績宏簡錄五年改廣德

軍節度使尋遷東京統軍使蒞政嚴肅諸部懾服九

年大延琳叛遼史國號興遼建元天慶令其太師大延

定引東北女真相攻東國通鑑以書結渤海人夏行美行

美時總渤海軍於保州宏簡錄執其人送布庫布庫入

據保州續通志斷其軍路黃龍保州皆不附惟南北女

真從之宏簡錄延琳氣沮以功拜特哩袞原作楊隱

耶律哈爾吉原作合里只字特們原作特滿六院額爾奇木巴

古濟原作蒲古之之後重熙中累遷西南面招討都監清

甯初起為懷化軍節度使七年入為北院大王按本紀咸

雍七年哈爾吉自東北路詳袞入為南院大王封幽國公歷遼興軍節度使

東北路詳袞加兼侍中致仕卒遼史為人明達勤恪懷

柔有道置諸賓館及西邊營田皆自發之宏簡錄

耶律浩善原作侯晒字托紐原作禿甯黃皮室詳袞和克

子初為西南巡邊官以廉潔稱宏簡錄重熙十一年徙

東京留守遼史十三年與知黃龍府蕭烏魯斯將兵討

博囉滿達勒部有功加兼侍中致仕卒宏簡錄

耶律仙童仲父房之後重熙初為宿直官累遷特哩

衮原作都監以寬厚稱遼史本傳重熙六年伊呀濟國人

星哈等訴酋帥渾做貪污罷五國酋帥設節度使以

領之部族志富球哩原作蒲奴里叛命為五國節度使率師

討之宏簡錄擒其帥托多羅原作陶得里本傳十八年以降烏

爾古叛人授左監門衛上將軍本紀改彰國軍節度使

拜北院大王清寧二年知黃龍府事歷忠順武定二

軍節度使致仕封蔣國公咸雍初徙封許國卒遼史

大康又渤海人開泰間累官南府宰相出知黃龍府

善綏撫東都懷服額爾德尼原作榆里底乃部長布延原作伯陰

與伊勒必原作榆烈比來附送於朝且言博囉滿達勒原作

蒲盧界多渤海人乞取之詔從其請康又領兵至大

石河圖卜準原作駝準城掠數百戶以歸未幾卒遼史

大公鼎渤海人幼莊愿長而好學咸雍十年登進士

第累遷興國軍節度副使徙長春州錢帛都提點車

駕如春水貴主例為假貸遼史公鼎拒之頗聞怨詈語

不願曰豈可輟官用徇人情此吾之職也不敢廢也

宏簡錄

耶律特默原作特麼季父房之後重熙間為北剋累遷六

部圖哩

原作秃里

太尉大安四年為倒塌嶺節度使頃之

為禁軍都監是冬討磨古斯斬首二千餘級十年復

討之既捷授南院宣徽使壽隆元年為北院大王四

年知黃龍府事薨

遼史

耶律適祿

按續通志作達魯

字薩蘭

原作撒懶

清宵初為本班郎

君稍遷宿直官

遼史

乾統中從伐準布

原作阻布

有功加奉

宸厯護衛太保改宏義宮副使時上京梟賊趙鍾格

原作

跋扈

續通志

適祿擒之加泰州觀察使為達魯噶

原作

達

部節度使天慶中知興中府為盜所殺

遼史

蕭烏納一名托卜嘉

原作撻不也

字達敏

原作特免

六院部人

續通志

魁偉簡重善騎射壽隆元年拜北府宰相遼興

軍節度使加守太傅降甯邊州刺史尋改臨海軍節

度使兀納上書曰自蕭哈里

原作海里

亡入女直彼有輕

朝廷之心宜益兵以備不虞不報天慶元年知黃龍

府事改東北路統軍使復上書曰

遼史

臣治與女直接

境觀其所為志不在小宜先其未發舉兵圖之

宏簡錄

章數上皆不聽及金兵來侵戰於甯江州其孫伊德

濟

原作移敵蹇

死之兀納退走入城留官屬守禦自以三

百騎渡混同江而西城遂陷

遼史

天祚外雖以先朝重

臣有定策勛每延問政事終不能用以疾卒年七十

宏簡錄

烏頁爾沙卜珠氏

續通志四  
百四十八

狀貌甚偉腰大十圍太

宗即位命與薩里台和爾齊征遼東下之

元史一  
百二十一辛

卯又與薩里台征高麗下受開龍宣泰葭等十餘城

高麗懼請和烏頁爾曰若能以子為質當休兵

續通  
志

辛丑遣其族子綽從烏頁爾來朝帝大悅厚加賜予

俾充北京東京廣甯蓋州平州泰州開元府七路征

行兵馬都元帥佩虎符

元史

憲宗初召問東夷事對曰

臣雖老藉威靈指麾三軍敵國猶可克况東夷小醜

乎帝壯其言俄病歸

續通  
志

來阿巴齊甯夏人

續通志四  
百六十八

至元十八年授益都等

路宣慰使都元帥二十一年調同僉宣徽院事遼左

不靖降虎符授征東招討使阿巴齊招徠降附期以

自新遠近帖然子吉遜

原作  
寄僧

為碩達勒達屯田總管

府達嚕噶齊納延叛戰於高麗雙城調萬安軍達嚕

噶齊

元史一  
百二十九

達春

原作  
塔出

蒙古扎拉爾氏東京路總管府達嚕噶齊

至元十八年召見賜鈔六十錠旌其廉勤升開元等

路宣慰使

元史一  
百二十三

累遷東京等路行中書省右丞

改授遼東道宣慰使達春探知納延謀叛馳驛上聞

有旨命與皇子阿雅噶齊同力備禦續通志四女直

碩達勒達官民與納延連結達春遂棄妻子與麾下

十二騎直抵建州距咸平千五百里與納延黨岱遜

巴圖爾等合戰兩中流矢元史繼知其黨欲襲皇子阿

雅噶齊遂扈從皇子渡遼水納延軍來襲達春轉鬪

而前射其酋特古斯台墮馬而死追兵乃退遂軍懿

州州人羅拜泣曰非宣慰公吾屬無遺種矣續通志追

納延餘黨北至金山戰捷帝嘉其功召賜黃金珠璣

錦衣弓矢鞍勒二十八年賜明珠虎符充蒙古軍萬

戶是歲復領軍討哈坦於女直還攻建州逐阿哈投

江死元史明年哈坦涉海南襲高麗達春復進兵討之

入朝拜遼陽等處行中書省平章政事卒於位續通志

子達蘭特穆爾原作答蘭帖木兒中奉大夫遼陽參知政事

元史劉哈喇巴圖爾河東人家世業醫以功授和林等處

宣慰副使至元二十七年遷河東山西道宣慰使續通志

志四百八十三居二年召還帝諭之曰自此而北納延故地

曰阿巴拉呼者產魚吾今立城而以額斯璋哈努森

奇爾濟蘇三部人居之名其城曰肇州元史一百六十九汝

往為宣慰使仍別賜汝名曰小龍兒或曰哈喇巴圖

爾汝可自擇元史類編二十八對曰龍非臣下所敢承帝曰

然則哈喇巴圖爾可也復賜以繡衣玉帶元史類編既至

定市里安居民一日得魚九尾皆千斤遣使來獻俄

召還元史及世祖崩太傅伯顏奉太后命曰東方汝嘗

鎮之今以屬汝勿俟制命元史類編授咸平宣慰使元貞

元年拜御史中丞行至懿州卒續通志

努都爾噶原作鈕的該廣平王博爾濟原作博爾尤四世孫也

元史類編早歲備宿衛累遷同知樞密院事既而廢處於

家順帝至元五年元史一百三十九奉使宣撫碩達勒達按

元史作達勒達宏簡錄整理有司不公不法事三十餘

條元史朝廷由是知其才擢知嶺北行樞密院事元史類編



吉林通志卷七十

職官志十三 宦蹟二

博第

鄂彌達

新柱

卓鼐

恆祿

薩喇善

傅良

福康安

慶桂

琳甯

恆秀

寶琳

富俊

賽沖阿

喜明

松筠

博啟圖

覺羅寶興

寶昌

博第姓完顏氏隸滿洲正藍旗雍正二年由怡親王允祥王府長史擢鑲白旗漢軍副都統五年累調正白旗滿洲副都統疏言旗人襲職出缺後所送家譜本旗無可覈對恐有錯誤請嗣後凡世職家譜豫取保結校對鈐印存交本旗衙門

從之歷擢正白旗蒙古都統十三年授甯古塔將軍乾隆元年調奉天將軍三年調黑龍江將軍疏請將黑龍江貿易民人分旗查管初至詢明居址令互結註冊貿易

易畢趣回病故者除名凡娶旗女買旗屋及散處城外村莊者禁之如犯法將該管官查議其非貿易者量給限期飭令回籍如所請行蓋當時東三省於滿漢畛域其嚴如此八年調吉林將軍卽甯古塔將軍移住吉林者明年調西安將軍十四年召來京復授正白旗蒙古都統十七年以年老命在散秩大臣上行走二十六年卒

鄂彌達姓鄂濟氏隸滿洲正白旗雍正六年由吏部郎中授貴州布政使尋擢廣東巡撫疏言烏槍嚮有嚴禁但廣東瓊州孤懸海外民資防禦未便如內地

收繳請戶許藏一多者罪之如所請行署廣東總督  
卽真兼管粵海關稅務疏言總督嚮任肇慶所以控  
制兩粵今廣西已歸雲貴總督轄而廣東一省廣州  
爲適中之地請移駐廣州

從之乾隆二年疏言貴州新闢苗疆督臣張廣泗奏設屯軍  
墾逆苗絕田臣以見今苗稀畏威安貼將來生齒漸  
繁地少人多必致怨生又恐屯兵虐苗致激事變請  
將屯軍撤於附近防守其田仍給苗民

詔所奏識見甚正卽朕意亦然但張廣泗持之甚力兼以首  
尾承辦此事不得不如彼所請朕以爲終非長策也五年

命來京授兵部侍郎明年出爲甯古塔將軍尋調荊州將軍

署湖廣總督十一年

命來京歷工部刑部尙書署吏部尙書兼議政大臣署直隸  
總督二十一年授協辦大學士兼管吏部尙書協辦  
步軍統領刑名事務加太子太保充

經筵講官二十六年卒

賜祭葬諡文恭

新柱姓富察氏隸滿洲鑲黃旗康熙四十六年襲其  
祖羅多理騎都尉世職尋補藍翎侍衛乾隆六年游  
擢鑲白旗滿洲副都統八年授福州將軍十二年疏

言福州福甯二府紳士呈請開墾上下草塘各島意不在山而在海海利之大者如曰水海島左右水深處可採捕魚鮮曰網地水淺處張網以待潮涌魚至潮落取之曰魚礁就山腳巉石開鑿成圈潮來魚入潮去魚留曰紫菜磧乃山腳燒取紫菜地嚮無專主沿海貧民分收其利而輸魚課與使紳矜富戶壟斷不若仍公諸貧民俾資衣食

高宗是之十四年署湖廣總督調吉林將軍明年仍調福州署兩廣總督尋回任二十四年以親喪回旗明年

命爲葉爾羌辦事大臣疏陳巴達克山與博洛爾部接壤以

覺相劫掠前遣伯克薩里等往巴達克山諭索所掠齊特喇爾戶口什物索勒坦沙卽遵撤其弟沙卜多爾噶達爾而遣所屬伯克等交還戶口什物得

旨所辦得宜予議敘尋回京授理藩院尙書數遷

盛京將軍三十三年卒官

賜祭葬諡勤肅

卓鼐姓泰楚魯氏隸滿洲正藍旗雍正七年襲父介石男爵及一等輕車都尉授西安左翼副都統調甯夏右翼副都統明年隨甯遠大將軍岳鍾琪征準噶爾九年擢甯夏將軍十二年坐兵事褫乾隆四年起

正白旗滿洲副都統十五年累擢歸化城都統明年授吉林將軍兼署打牲烏拉總管十七年調浙江杭州將軍坐事降乍浦副都統調杭州副都統二十一年以疾乞休二十六年卒

恆祿隸鑲藍旗宗室簡儀親王猶子乾隆二十五年由輔國公授吉林將軍以廉潔著俸餉外一無所染嘗危坐小閣中取每年出入之籍手錄封之或以問曰俟籍沒時出爲證也由是人皆畏法會產蕩甚盛無敢私者歲增銷數千票兵餉資以接濟當路索貂裘數事直無所出售奉天舊產償之三十四年調奉

天將軍去他未詳

薩喇善隸正白旗宗室也乾隆十四年由頭等待衛累遷成都副都統十九年充駐藏辦事大臣二十二年擢吉林將軍尋疏陳拏獲偷買人蕩之陳中元等十三名獲人蕩三千二百餘兩並狐皮馬匹銀兩二十四年吉林城中旗民草房燬七百餘間積蓄並盡疏請借給倉穀且豫借給官兵半年俸餉爲葺屋資高宗以被災較重所借銀兩穀石並

賞給之尋疏吉林三姓地方與甯古塔拉林相距俱五百餘里嚮無臺站請由拉林沿松花江池北至三姓地方

設八臺臺設筆帖式領催各一如所請行明年疏言  
拉林阿勒楚喀地方所駐滿洲日多居民日密商販  
牲畜不期而集請照甯古塔伯都訥之例設立稅局  
充本處俸餉二三年後再定稅額

從之秋疏陳副都統巴岱查視挖濇人夫每船人米浮多令  
其添票恃眾不遵毆傷領催巴善旋糾赴副都統衙  
門羣閔巴岱未及清查各船人數遂給與腰牌令往  
臣復派副都統增海率兵稽查

詔羣閔之時能將為首者擒戮餘眾自懾服既不能迅辦反  
給與腰牌殊屬怯懦不堪可即予正法薩喇善身為將軍

理宜親往查辦乃僅遣增海亦屬不知輕重發往伊犁效

力贖罪薩喇善子

乾清門侍衛恆賓請代行

高宗斥其沽名釣譽

命褫侍衛隨行既而伊犁將軍明瑞以薩喇善效力三年期

滿

聞

詔薩喇善罪遣日逗留不前應少留待三十年恆賓戰烏什

陳沒

高宗閱之

命薩喇善同京尋以副都統銜充庫爾喀喇烏蘇辦事大臣  
復坐謫伊犁三十六年

賞侍衛銜二十八年卒  
詔以料理策伯克多爾濟游牧功贈副都統銜  
賜祭葬

傅良姓富察氏隸滿洲鑲黃旗大學士馬齊子乾隆  
十四年襲一等伯爵兼一雲騎尉授散秩大臣尋加  
伯號曰敦惠二十五年累授伯都訥副都統明年以  
伯都訥旗民雜處命盜要犯嚮分四門堆房看守易  
致脫逃咨吉林將軍恆祿疏請設立監獄擇驍騎校

之勤慎者管理

從之二十八年調吉林副都統擢歸化城都統尋以缺裁  
命仍留吉林副都統任未幾授鑲藍旗漢軍副都統三十二  
年擢綏遠城將軍明年調吉林將軍三十五年疏言  
拏獲偷挖私濩各犯請分別正法發遣其挖濩公費  
請令前任賠補刑部以應正法者既未取據供詞應  
發遣者又未將姓氏開列議駁

命將人犯解京交刑部訊辦尋

詔傅良奏挖濩所需公費應用與否未分析聲敘概請以前  
任賠補其拏獲偷挖私濩一案亦經刑部議駁殊屬不曉

事體著來京尋累授甯夏將軍調西安將軍兼領侍衛內  
大臣四十二年卒官

賜祭葬諡恭勤

福康安姓富察氏隸滿洲鑲黃旗大學士一等忠勇  
公傅恆子乾隆三十七年以領隊大臣赴金川軍有  
功封嘉勇男四十九年平甘肅石峰堡逆回晉爵嘉  
勇侯五十二年林爽文叛臺灣督師渡海獲之晉爵  
一等嘉勇公

賜紅寶石帽頂四團龍補服又

賜黃腰帶紫韁金黃辮珊瑚珠用示優異其他

恩數頻繁不可殫述五十六年廓爾喀擾後藏往征焉廓爾  
喀降授大學士加一等輕車都尉令其子德麟襲五  
十八年加公封號曰嘉勇忠銳六十年貴州逆苗石  
柳鄧等叛督師剿之

賞三眼花翎晉封貝子爵銜制如宗室貝子子子德麟副都  
統銜在

御前侍衛上行走追封其父傅恆貝子嘉慶元年卒於軍  
晉封郡王銜入祀昭忠賢良祠從其父傅恆配饗

太廟諡文襄

賜祭葬如故事金川石峰堡臺灣後藏之役或從阿桂或偕



海蘭察最後苗疆功幾蒞而卒則威望愈崇重矣圖形

紫光閣者三贊皆

高宗御製其任吉林將軍蓋乾隆四十二年五十九年又奉命至吉林勅將軍恆秀治濩務不如制云

慶桂姓章佳氏隸滿洲鑲黃旗大學士尹繼善子乾隆二十年以廕生授戶部員外郎充軍機章京累遷理藩院右侍郎授滿洲正白旗副都統軍機處學習行走四十年出爲塔爾巴哈臺參贊大臣夏哈薩克巴布克自稱經阿布勒畢斯將伊授爲圖爾屯鄂什

克之阿克拉克齊偕阿布勒畢斯之子博晉以馬來獻慶桂以巴布克未與博晉同來不可深信飭駁以

聞

詔巴布克爲人狡詐若不飭駁伊歸必又謊告阿布勒畢斯其他所辦各就條理朕又得一能事大臣矣尋授吏部右侍郎轉左出爲烏里雅蘇臺將軍遷正黃旗漢軍都

統四十八年由

盛京將軍調吉林將軍疏陳獲私挖濩犯一百餘名

高宗以封廠停採原期護養濩苗今私挖之犯多至百餘名有封閉之名而無其實

詔慶柱飭所屬嚴拏私挖之犯仍放票開採續陳獲犯六百餘名濩二百兩明年調福州將軍入

覲擢工部尙書仍直軍機充經筵講官歷署黑龍江將軍甘肅總督復授塔爾巴哈臺參贊大臣遷兵部尙書署

盛京將軍五十三年再署吉林將軍明年調署烏里雅蘇臺將軍授刑部尙書協辦大學士領侍衛內大臣予騎都尉世職加太子太傅銜嘉慶十九年以文淵閣大學士休致二十一年卒

賜祭葬諡文恪

琳甯隸鑲藍旗宗室也乾隆三十二年由宗人府七品筆帖式遷宗人府經歷四十九年累擢禮科給事中明年署正藍旗滿洲副都統尋授山海關副都統五十三年遷黑龍江將軍明年調吉林將軍五十六年調

盛京將軍偕副都統靈泰等疏言奉天流寓閩人多於沿海駕駛漁船捕魚生理其中良莠不齊恐有不肖之徒駕船入洋勾引盜匪已遵

旨將流寓閩人編立甲社但沿海漁船有無篷桅及長寬大小嚮無定式嗣後請漁船有篷桅者長不得過三丈

二尺寬不得過八尺腰艙不得蓋用蒙板亦不許用  
雙桅卽單桅不得踰所限丈尺如此定以規式卽不  
能遠駛入洋有不遵定式者照違制例治罪

從之嘉慶四年

召來京授散秩大臣署正白旗漢軍都統歷遷工部禮部吏  
部尙書七年授協辦大學士加太子少保銜坐事罷  
旋起禮部尙書兼管樂部太常寺鴻臚寺事以年老  
乞休

允之十年卒

賜祭葬諡勤儉

恆秀隸正白旗宗室也乾隆四十三年由頭等待衛  
加副都統銜爲西藏辦事大臣四十七年累擢黑龍  
江將軍五十四年調吉林將軍尋奉

命查辦甯古塔副都統安臨以年老乘輜爲名私行坐輜及  
開設賭場以賤價向商人買葦各款鞫實請將安臨  
發往伊犁效力贖罪

從之疏言吉林所屬驛站官助教各二員六年任滿升轉倉  
官六員三年任滿升轉遲速不均請照黑龍江倉站  
等官之例俱改爲四年限滿升轉如所請行調西安  
將軍復調吉林將軍調烏里雅蘇臺將軍以生母老

命仍同吉林將軍任疏言上年直隸歲歉聽流民出關求食至吉林地方者以萬數均獲生全今年內地有秋飭令回籍咸以甫經全活移回轉恐失業此雖實在情形但人數眾多恐不肖雜處生事請照例造入紅冊歲交丁銀嗣有願回籍者註明開除

允之五十九年副都統秀林疏參吉林協領諾穆三托蒙阿因辦蕩挪缺庫項派鋪戶釀銀彌補坐禡嘉慶四年起三等侍衛作為副都統往烏什辦事卒

寶琳姓伊爾根覺羅氏隸滿洲正黃旗乾隆三十年由固山額駙累遷冠軍使以副將發貴州補清江協

副將三十八年從征金川以功

賞戴花翎擢肅州鎮總兵調泰甯天津兩鎮總兵署山海關副都統五十年擢浙江杭州將軍疏參杭州駐防協領咨參佐領以下各官降革勒休並註銷記名者四十餘員

高宗慮其有意苛求

命閩浙總督長齡浙江巡撫吉慶確查密奏尋疏覆將軍寶琳御眾嚴明操防勤慎密訪其所參各官輿情亦稱平允並言杭州乍浦滿營婚嫁論財相沿成俗往往有髻年許字因男家無力納采婚嫁失時而該管章

京狃於積習並不設法催辦自寶琳到任後查明各旗婚姻已訂因索財而不能迎娶者數百家均勒限官爲完配其孤寡及惇獨無依者查明月給養贍

高宗嘉之五十九年調吉林將軍卒官

賜祭葬謚勤恪

富俊姓卓特氏隸蒙古正黃旗由繙譯進士授禮部主事嘉慶八年以署兵部右侍郎出爲吉林將軍尋

調

盛京將軍歷

盛京工部侍郎兼管奉天府府尹事及六邊邊門事務

授黑龍江將軍十九年調吉林將軍疏言拉林西北雙城子所在地土沃衍應行開墾移駐京旗

仁宗命具試墾章程以進尋疏先於吉林等處閒散旗人內

揀選屯丁千名每丁給銀二十兩籽種穀二石於拉林東南夾信溝地方設立三屯每丁撥給荒地三十

晌六畝  
有奇

墾種二十晌留荒十晌種三年後晌酌交

糧貯倉十年後移駐京旗蘇拉時將熟地分給京旗人十五晌荒五晌所餘熟地五晌荒五晌卽給原種屯丁免其交糧作爲恆產一切農具耕牛分別採買於明春試墾如所議行二十二年調

盛京將軍明年復調吉林將軍疏陳吉林站丁典賣與  
民地萬三千五百六十三晌請

賜額設站丁八百五十名每名十五晌九畝零作爲隨缺工  
食如所請行二十五年疏言雙城堡左右二屯屯丁  
到齊比屋環居安土樂業又條中左右三屯未盡章  
程一每屯宜添井一眼以裕食用屯丁戶婚錢債爭  
鬪事由各佐領呈報協領訊辦人命盜案報解阿勒  
楚喀副都統驗訊轉咨將軍覈辦一雙城堡協領處  
添設無品級筆帖式二員委官二員三屯佐領處添  
設無品級筆帖式委官各一員以資差委稽查一總

屯達二十四人約束屯丁請給金頂並月給工食銀  
一兩一領催兵丁應得賞銀嚮由將軍衙門給發未  
免稽遲請准由管理三屯協領處支存就近給領

從之且

獎其實心任事加一級道光元年疏陳吉林屯田移駐京旗  
閒散章程又疏於吉林三山子三道溝等處開採煤  
窯並如所議行明年授理藩院尙書四年復授吉林  
將軍疏請每旗屯適中之地建設義學並嚴禁該屯  
丁冬令過江採樵

從之又條上雙城堡移駐京旗章程一京旗閒散有願往雙

城堡者著各旗於十月報齊戶部具奏十一月知照  
順天府尹直隸總督

盛京吉林將軍正月初十以前定期啟行地方官計程  
籌備一移駐京旗大都無力覓工請將戶部應發銀  
兩俟抵吉林後由將軍衙門備用銀兩項下發給作  
爲僱工之用俾盡地力其荒地五晌亦可隨時開種  
一彈壓大臣改派年班仍令地方官隨同護視給與  
車輛分段遞送一每年應修住房百所於本年冬閒  
備料以省運費

宣宗嘉納焉冬疏言吉林伯都訥開墾屯田奉

旨俟雙城堡有效再議今雙城堡三屯辦理完竣移駐京旗  
視爲樂土伯都訥圍場計二十餘萬晌荒蕪旣久地  
甚肥饒開種易而經費亦省視雙城堡事半功倍自  
應及時籌辦如所議行明年疏言吉林我  
朝發祥之地俗厚風醇八旗臣僕皆當以  
國語騎射爲重騎射而外當教以清漢文藝使知義方  
請頒發書籍清文條例以擴見聞  
從之初部議雙城堡移駐京旗閒散隻身予房間牛種器具  
半分不爲戶

命體察以聞疏言隻身閒散至屯種地無人炊爨及守局並

恐舉目無親隨意游蕩且每戶應得房間等物半分不能適用應將隻身者不必拘有妻室但有父母子女或伯叔兄弟等二三口均准爲戶照定章給予全分如所議行尋

諭以籌辦屯墾不避嫌怨盡心宣力著有成效加太子太保銜疏陳拉林嚮未設防禦及筆帖式辦公之員請於甯古塔防禦十二員內移撥拉林四員其關防辦事無品級筆帖式二員卽於拉林領催甲兵內揀選添設又疏雙城堡移駐京旗每一旗五屯請再添總副屯達各六名以資稽查並

從之尋疏吉林六副都統年班進京例應每年二員遇將軍年班副都統則一員長途往反耽延時日署缺之員未免意存推諉請以本年爲始如值將軍年班副都統卽無庸進京如值副都統年班亦祇須輪替一員來京以重職守如所請行七年授協辦大學士

命來京供職於是四任吉林將軍垂十三年矣京旗日有人滿之患又無以資其生吉林雖非上腴而地廣人稀維草之宅屯田於此且以實邊萬世之計也

仁宗

宣宗嘉富俊之績加級加銜謂旣引其緒滿漢皆吾赤子推



廣之以繼於

嗣世豈有涯哉而吉林稱賢將軍前有富俊後有銘安銘安任光緒時攘羣盜設有司綱目麤具父老皆曰微斯人則吉林已不可知隸旗籍者以一視而不能左右其間訖之去顧其功不可沒也富俊卒東閣大學士年八十有六贈太子太傅

賜祭葬諡文誠入祀賢良祠竇心傳者嘗官知縣坐事黜來客於富俊雙城堡屯田多所規畫疏復其官視夫攘善者抑異矣

賽冲阿姓赫舍里氏隸滿洲正黃旗乾隆五十二年

用前鋒參領從平臺灣林爽文以功

賜號斐靈阿巴圖魯列三十功臣中圖形

紫光閣

命詞臣爲贊五十九年累擢吉林副都統嘉慶二年調三姓副都統率吉林兵從征三省教匪數以功被

優獎及

賜物甚夥五年擢固原提督參贊德楞泰疏言吉林索倫馬隊在官兵中最爲得力賽冲阿管帶已越三年該提督深得兵心人皆用命昨聞授提督無不同聲歡舞及聞將他徙紛紛至臣處環跪祈留但固原提督未

便久留川省一俟川省肅清臣或與賽沖阿同往或先令赴陝屆時權其緩急

從之明年授西安將軍七年

詔賽沖阿自隨征以來在諸將中勇略尤著晉世職輕車都

尉十年調廣州將軍尋以洋盜蔡牽竄入臺灣句結

匪徒

命爲欽差大臣前往督辦十四年累調吉林將軍十六年年

班入

覲疏言途次見逃荒民人詢係奉天所屬岫巖復州等處歉收之戶因札致吉林副都統松霖將災民暫行安

撫請於雜項動支銀兩設粥廠賑之會松霖疏報奉

天饑民入境見飭各員驅逐

詔斥之令如賽沖阿所奏辦理明年

詔八旗生齒日繁吉林地廣人稀所有閒曠地計可分贍移

駐旗人若干戶妥議具奏尋疏拉林西北有閒荒一處可

墾五千餘晌又東北夾信溝一處可墾二萬餘晌該

兩處距阿勒楚喀城四五十里不等恐新駐旗人副

都統難以約束且近年吉林各處所穫不豐請俟三

五年從容辦理又疏三道卡薩里閒荒地畝請撥補

吉林官莊壯丁除撥給外其餘閒荒不許旗民侵占

每年秋收後令該管官親往查勘以杜私墾  
詔拉林附近既有可墾地二萬五千餘晌而三道卡薩里仍  
有閒荒可墾是該省曠地甚多不必延至三五年後可檢  
查乾隆年間移駐舊案先期試墾應辦各事宜卽行籌議  
十八年調成都將軍陝西南山逆匪擾及川境督兵  
勦之以功晉二等男爵

賞戴雙眼花翎二十一年廓爾喀與披楞構兵

命爲欽差大臣率兵赴藏明年歷授正白旗漢軍都統領侍  
衛內大臣累遷內大臣總諳達卒贈太子太師

命皇長子前往賜奠諡曰襄勤

喜明姓佟佳氏隸滿洲正藍旗乾隆五十二年以侍  
衛從征臺灣有功嘉慶元年揀發四川都司從征三  
省教匪以功

賞戴花翎

賜號勝琪台巴圖魯三省平累遷江南徐州鎮總兵十五年  
擢雲南提督調直隸古北口提督十八年授吉林將  
軍疏請添設伊通河巡檢一員以資彈壓

從之尋調赴河南勦教匪李文成旣克滑縣

仁宗以所總吉林兵奮勇可嘉交部議敘明年坐事降西甯  
鎮總兵尋授駐藏大臣二十年廓爾喀王與披楞構

兵求賞助銀兩遵

旨嚴駁

詔嘉之二十二年累官烏里雅蘇臺將軍明年卒

賜祭葬諡勤毅

松筠姓瑪拉特氏隸蒙古正藍旗乾隆三十七年用  
繙譯生員考補理藩院筆帖式四十九年累遷正紅  
旗滿洲副都統

命赴吉林查辦漫務明年赴庫倫查辦俄羅斯事務有馬逸  
入俄羅斯卡座其人獲而獻還因傳示各卡嗣後有  
俄羅斯馬誤入官卡者亦如之事

聞

嘉其得體數擢至戶部尙書出爲陝甘總督時三省教匪未

靖

命密具統兵諸將優劣以

聞疏惟額勒登保英勇出羣其次德楞泰後卒成功此二人  
力也嘉慶五年調伊犁將軍先是乾隆二十九年

詔伊犁田土肥潤將軍明瑞等查明地畝分給滿洲官兵以  
資養贍尋查明可耕之地甚多請俟滿兵到齊辦理其後  
數

詔籌辦任將軍者類以溉灌乏水爲詞八年疏言臣自接任

後探明近水可耕之田由惠遠惠甯兩城酌派閒散  
試種通計所穫十分有餘本年秋麥又種千餘石亟  
宜廣行汲引因於惠遠城東伊犁河北岸新開大渠  
迤邐數十里又於城西北草湖中覓得泉源設法開  
渠修築隄岸疏引支流其地即分給惠遠城八旗耕  
種至惠甯城八旗所耕本係裁撤綠營屯地原有渠  
泉足資灌溉惟種地必資牛力請於官廠內借給惠  
遠城每旗牛八十隻惠甯城每旗四十隻庶邊地駐  
防兵農並習得

旨嘉允又疏伊犁塔爾奇地方嚮設水磨派兵碾運麥麵以

給兵食而官兵皆願領麥易麵請撤其兵分屯耕種  
從之冬疏陳伊犁屯種有效惠遠城得地八萬畝惠甯城得  
地四萬畝請照伊犁錫伯營八旗屯種之例按名給  
地各令自耕自食永爲世業軍機大臣議此項田畝  
只可令閒散餘丁代爲耕種官兵不當親身力作有  
妨操練

仁宗命妥與經理務使兵農不至偏廢十三年疏言惠甯城  
東時有水泉蕩漾房屋多圯請展築城垣移建教場  
並於城東挑一大渠引灌田畝又塔爾巴哈臺東北  
夏閒應設卡倫查濟默爾色克卡倫地處山陰不生

柴草請移設於博洛呼濟爾又板廠溝安設塔布圖  
小卡於稽查哈薩克出入最爲有益又疏請塔爾巴  
哈臺地方撥兵加屯撥提督所屬中左右三營兵二  
百前往農隙操演守備千總外委各一員管轄又請  
禁達木達爾圖金廠於通山路徑安設卡倫派兵防  
守令塔爾巴哈臺庫爾喀喇烏蘇兩處領隊大臣每  
年按季巡查均

從之而阿奇木霍什納扎特以惠遠城旗屯公田與關里沁回  
田均籍東山關里沁泉水灌溉請開渠引霍什河水  
澆灌關里沁回田以關里沁泉水專灌惠遠城旗屯  
公田覈如所請旣而得水豐餘兩有裨益焉尋復授  
陝甘總督調兩江兼署江南河道總督旋調兩廣授  
協辦大學士仍留兩廣俄

命來京授吏部尙書初

仁宗以八旗生齒日繁不敷養贍數

詔吉林將軍等於吉林等處籌度閒散地畝酌量移居十七  
年

命往盛京敬謹會勘

永陵工程並籌辦移駐宗室房地各事宜明年授東閣大學  
士中間數躡數起道光三年授吉林將軍明年疏陳

蔓務疲累情形請復舊規辦理並請屯田小綏芬等處以供劊夫糧食

詔以繁費且恐別滋事端寢之調署烏里雅蘇臺將軍冬伊犁將軍慶祥疏稱俄羅斯在哈薩克游牧地方蓋屋種地請

救下理藩院檄詢

宣宗詢之松筠疏言哈薩克素稱強悍或曾侵占俄羅斯地今從索還不能不予而以無據之詞懇將軍奏明亦未可知若理藩院行文查問俄羅斯直以索還侵占爲言轉難辦理從前哈薩克襲封汗爵俄羅斯卽有

哈薩克早經投順彼國之語又乾隆三十五年土爾扈特明背俄羅斯前來投順後俄羅斯行文索討

高宗純皇帝諭旨斥駁今以無關緊要之事行文令其遵奉儻彼以土爾扈特爲言或以哈薩克投順彼國爲詞徒生枝節有失體制况哈薩克非

國家用兵平定者緣乾隆二十二年平定伊犁之後哈薩克貢馬入

覲因封汗爵藉以羈縻其或向俄羅斯投順亦應置之不問且哈薩克游牧地方與俄羅斯毗連之處理藩院並無圖志今當曉諭哈薩克以

天朝定例外藩之地無圖志者例不辦理

宣宗詔慶祥如指而

嘉松筠熟悉邊情

仁宗亦嘗稱其熟悉新疆情形所纂新疆識略十二卷

賜序刊行故於西事備著之後又數蹟數起十四年

命以都統銜致仕明年卒年八十有二贈太子太保銜

賜祭葬諡文清入祀伊犁名宦祠

博啟圖姓富察氏隸滿洲鑲黃旗嘉慶二年由五品

廕生襲一等誠嘉毅勇公爵授頭等侍衛歷遷戶部

左侍郎兼正黃旗蒙古都統出爲察哈爾都統道光

七年調吉林將軍明年疏言雙城堡公倉應糶歸款

穀石請照時價出糶又請添設圍場卡倫增設弁兵

嚴定章程以防奸民潛入偷濫斫木並

從之冬疏陳吉林各站內過往馳驛各項差務請給廩糧

詔以來京首站新定之例一體給與廩糧以歸畫一尋以甯

古塔水災疏請蠲振

允之九年

命籌辦雙城堡屯田事宜時雙城堡移駐京旗願往者少以

霜早氣寒歲惟一熟又乏幫助耕耘之人因疏言擬

減原定京旗戶數酌爲添給地畝始可漸形充裕至



京旗閒散未習農事請准其買僕代耕又原定京旗住房寬闊難居請戶改草房三間周圍加塗草土禦寒均在中屯建蓋准於黃泥河左近伐木取材較爲近便

從之累官領侍衛內大臣工部尚書管理行營事十四年卒於海淀加太子太保銜

賜祭葬諡敬僖

覺羅寶興隸鑲黃旗嘉慶十年進士改翰林院庶吉士散館授編修十八年累遷詹事府少詹事入直上書房時

仁宗幸木蘭同次白澗逆匪林清令其黨潛突禁城

宣宗方於上書房讀書寶興下直將出東華門見賊勢鴟張

官兵力過之卽入

乾清門告警賊眾因得卽時殲獲擢內閣學士兼禮部侍郎銜中間數躓數起道光十一年由鑲白旗漢軍都統改左翼總兵授吉林將軍疏言東三省地方被災歉收請將新收舊欠分別展緩又疏吉林各項差務嚮無辦公之款請以稅銀漫餘項下發商生息銀六千兩半備移駐京旗之賞半津貼吉林差務並

從之明年遵籌吉林所屬閒山打捕牲畜地界章程言吉林

打捕進貢牲畜圍場並松花江西岸輝發河北岸舊  
係封禁毋庸另議其餘閒曠山場均設有卡倫仍循  
定例攜槍出卡打捕牲畜者不必查禁如有攜帶民  
人不領照票偷挖人濫私斫木植者查拏治罪如所  
議行秋疏陳新城局屯田地畝連年鑿井無水不能  
開墾佃戶無力賠累將此項荒田二萬餘晌暫作禁  
荒責成伯都訥副都統出示招募有無認墾之民年  
終彙咨報

閏十三年調

盛京將軍瀕行疏言伯都訥界珠爾山所在荒地先後

開墾五千二百六十二晌此項租錢請自道光十五  
年爲始以其半每年分賞兵丁半存備該城報修工  
程免銷正款此外尙有可墾荒地五萬六千餘晌作  
爲官荒將來吉林如有籌款之需奏請招佃徵租又  
烏喇凉水泉地界開墾七萬三千九百餘晌請自二  
道河以東撥出二萬晌以七成給烏喇總管衙門三  
成給協領衙門招佃收租以資津貼其餘五萬三千  
餘晌亦作官荒將來吉林如有所需再行奏明辦理  
並

從之十五年調成都將軍累授四川總督

文淵閣大學士加太保銜卒官年七十有二

賜祭葬諡文莊

保昌姓費莫氏隸滿洲正藍旗由官學生考取筆帖式道光元年累遷內閣侍讀學士

賞頭等侍衛充駐藏幫辦大臣歷擢吏部右侍郎出爲熱河都統十三年授吉林將軍疏言吉林士子赴奉天應試較遠紳士捐建考棚請令學臣案臨

詔寢其議十五年調黑龍江將軍復授吉林將軍尋調烏里雅蘇臺將軍三十年累官至兵部尙書卒贈太子太

傅銜

賜祭葬諡敬僖

吉林通志卷七十一

職官志十四 宦績三

蘇清阿

樂善

祥康

經額布

倭什訥

固慶

恩華

景綸

阜保

富明阿

穆圖善

富僧阿

愛隆阿

增海

伊鏗額

常德

李金鏞

楊同桂

蘇清阿姓瓜爾佳氏隸滿洲鑲白旗嘉慶十八年從征河南教匪有功累遷二等侍衛道光六年由護軍參領授河南城守尉尋以頭等侍衛從征回逆張格爾復喀什噶爾四城及追獲張格爾以功

賜號鼂勇巴圖魯授正藍旗蒙古副都統列四十功臣圖形紫光閣

御製贊曰河南守尉命往從軍擒拏首逆克集大勳心堅力勇朔漠銷氛急馳恐後嘉爾宣勤

命在乾清門侍衛上行走又

命在御前侍衛上行走十四年累授伊犁參贊大臣擢鑲藍旗漢軍都統

命赴回疆覆查屯田情形疏陳巴爾楚克屯田原屬荒地距回莊較遠與回民毫無妨礙見墾種二萬餘畝已於本年升科開地益多報墾愈眾不惟屯糧可供兵糈且於邊防大有裨益所有該處屯田應請無庸裁撤至喀什噶爾屯田恐久後與回田不無軼轍莫若乘此興辦之始早爲裁撤其無力貧民酌給口糧遣至巴爾楚克安置疏入

宣宗甚嘉之明年擢吉林將軍尋卒

賜祭葬諡剛愨

樂善姓博爾濟吉特氏隸滿洲正黃旗一等侯承德子嘉慶元年以一品蔭生授員外郎十年襲侯爵道光元年由頭等侍衛擢鑲白旗漢軍副都統十年累擢烏里雅蘇臺將軍調福州將軍十五年英吉利夷船乘潮駛入熨斗內洋停泊會同閩浙總督程祖洛調派文武員弁馳往查禁初猶藐抗迨官兵齊集施以槍礮始懼竄小港把總林朝江等駕舟追及該夷仍持刀相拒朝江諭令出港夷復遞稟求於閩省督易樂善等當給印札曉以大義仍將夷船驅逐出洋

疏入

詔夷船在洋面游奕如果去而復來不服曉諭卽不能不懼以兵威總在該將軍察看情形認真防範固不可邀功滋事亦不得但憑驅逐遂致廢弛當嚴飭文武水陸各員弁防守口岸杜絕接濟俾該夷不得逞其伎倆以靖海隅冬調吉林將軍明年入

覲

命留京署鑲藍旗漢軍都統十七年授荊州將軍以目疾未之任十九年卒年七十有一

祥康隸正藍旗宗室也嘉慶十九年由宗人府七品

筆帖式署主事道光九年累遷光祿寺少卿授歸化城副都統署綏遠城將軍十五年歷遷黑龍江將軍調吉林將軍先是

盛京將軍奕經等會奏奉天圍場查禁鳥槍並沿邊防範各章程

詔吉林圍場一律查禁疏言吉林旗人素多打牲爲業除嚴禁私槍並私造外恐不肖旗人或將本身鑿字鳥槍租與雜項丁民則偷打之弊仍不能盡絕應飭各該管官查察吉林圍牆原設卡倫十四道傳遞籌隻而派差查圍官兵與坐卡弁兵並不互相呈報應遵此

次章程覈辦至嚴禁借給奸匪口米一條吉林圍場北邊係通京大路農民稠密如有偷打牲畜者本家即可密備口米雖有腰牌並無邊隘查驗惟有曉諭附近圍場旗民人等凡攜帶鳥槍斧鋸形迹可疑者不准賣給口米再奉天圍場與吉林圍場毗連之處以伊通河爲界西岸奉天設那丹保卡倫東岸係吉林伊通卡倫其間只隔一河巡查自無疏脫毋庸另議防範

允之

命查閱山西陝西營伍坐未能整飭降

盛京副都統明年署吉林將軍時以雙城堡地方有錦州等城旗丁私自耕作

命查明具奏旋疏言雙城堡京旗房地分定準數均有界址錦州等城旗丁私行來堡謀食其充丁者係頂任地丁並無占礙嗣後請每年由熊岳副都統飭諭錦州等城該管官造具細冊咨各該衙門隨時稽查分別咨覆以杜牽混

詔行之既久難保無內地民人潛往該堡影射牽混應嚴查禁止十七年卽真二十年伯都訥副都統巴雅爾劾私令閩省官兵攤銀幫貼進京當差官兵十名歲入二百

兩

命回奏疏言前據十旗協領等稟稱吉林進京當差之員人地生疎度日拮据擬每年按名接濟銀二百兩俟二三年安居得所卽行裁撤所需銀兩於通省官兵按俸餉多寡捐資幫助恭查

聖駕巡幸

盛京吉林官兵隨營當差皆係通省官兵攤助見所挑送官兵並伊等桑梓骨肉且每人所費無幾遂咨行各副都統衙門亦皆願照辦理疏入部議坐應禡命以藍翎侍衛充庫倫辦事大臣令署將軍祿普等查明所



攤扣各兵丁餉銀於庫貯項下按名給還所墊銀兩  
令祥康追賠二十二年以足疾乞休  
許之明年卒

經額布姓卜拉木氏隸滿洲正黃旗嘉慶十七年由  
伊犁撫民同知累擢至道光十六年授山東巡撫遷  
成都將軍明年調吉林將軍疏言舒蘭等處禁山有  
遊民潛入居住失察各卡站官員應交部議處如所  
請行二十三年遵

旨會議調劑雙城堡遷駐京旗章程請於該堡大封堆外所  
圈荒地六萬五千餘晌內撥出三萬晌開種徵租分  
給各戶並抽撥甲兵額缺挑補

從之又疏伯都訥八里荒等處查有私墾地畝二萬八千餘  
晌請以地入官徵租部議照民地銀米並徵

宣宗命與副都統薩炳阿體察奏辦明年覆疏未便照民地  
徵租仍請照旗地舊章辦理又疏涼水井地畝澆薄  
未便加租並如所議尋坐前山東巡撫任內受鹽務  
陋規降三級調用

文宗御極

詔起廢員尋

召見咸豐三年未及用卒

倭什訥姓伍彌忒氏隸蒙古正黃旗祖德楞泰繼勇  
公父蘇沖阿襲一等繼勇侯爵署黑龍江將軍道光  
九年倭什訥由一品蔭生授侍衛襲侯爵十三年累  
遷內閣學士兼禮部侍郎衛十七年以兵部右侍郎  
兼正紅旗護軍統領充

冊封朝鮮國王妃正使中閒蹟而復起二十三年自左副都  
御史出署吉林副都統疏陳京旗遷駐雙城堡男婦  
不諳耕作困窮情形乞

恩調劑尋遵

旨偕將軍經額布等會議章程事具經額布傳母喪回旗二  
十八年歷擢荊州將軍明年調吉林將軍咸豐二年  
以杭州將軍卒官

賜祭葬子希元襲侯爵光緒九年繼任吉林將軍

固慶姓額蘇里氏隸滿洲正黃旗道光八年舉人十  
五年由刑部員外郎

賞頭等侍衛充哈密辦事大臣累遷杭州副都統三十年授  
吉林將軍咸豐元年疏言吉林爲根本重地近聞盜  
賊之盛實由窩藏之多此地旗人盡屬屯居與民雜  
處宵小最易溷跡已嚴飭各旗並地方官編查保甲  
但吉林地方遼闊密林深谷在在藏奸當日原設有

各旗界官各管各界更有巡緝捕盜之員率領兵役按段梭巡搜捕立法未嘗不善近如巴彥鄂佛羅邊門所在村莊毗連山谷多有無主尸身或有傷或無傷未據該界官與巡緝之員稟報則日久怠玩已有名無實吉林所屬人命事件舊責成地方官旗員不與處分故遇事輒諉諸地方並不稟報請將專設捕盜官悉停遇有盜賊滋擾處所不難隨時派員往捕且嗣後不論旗界民界一體查報再有玩延卽行參劾又疏雙城堡各屯旗丁可六千餘戶人數浮於前各處移來之人性情不一易滋事端惟一協領不足

以資彈壓擬以該堡協領改爲副都統職銜總管所有應辦事件徑咨報將軍衙門以專責成並將該堡佐領選派一員爲委協領幫辦一切事件又疏雙城堡所設協領佐領驍騎校各員遇有缺出以次拔補原爲就地取材俾諳屯務以期有益惟所轄之人皆童而習之不但不能彈壓且往往互相迴護擬以該堡協領一員佐領七員改爲公缺於吉林應選人員一體揀選驍騎校八員亦改爲挑選通省防禦之缺其協領佐領三年任滿准調補各處相當之缺又疏雙城堡水涸地九千餘晌與熟地毗連非禁荒可比

請分撥各佃認墾輸租充該堡官兵俸餉又疏吉林六旗馬廠地租歷年賞兵所摺節餘錢三萬八千串請以三萬串生息歲可三千餘串存將軍衙門爲捐辦修理要工經費免攤扣官兵俸餉餘八千串留爲現在修理各工之用均

從之明年疏言吉林土著旗民生齒日繁野無曠土其禁荒數處係備將來遇有酌量安置之用誠恐各邊卡日久疏懈流民復潛來將致人浮於地於旗民生計大有關礙吉林與蒙古荒界毗連難保無流民依親就食者而奸頑逃罪之徒或廁其內及乎日久小則逞

刁健訟大則習爲盜賊恐吉林渾樸之鄉漸染澆漓之習應嚴飭邊卡員弁認真稽察如有潛來之戶卽行阻回其內地流民請

敕山海關副都統及奉天嚴飭各屬要隘凡有票行旅驗明放行無票者不准偷過

詔如所請尋以粵逆肆擾請率吉林官兵前赴軍營詔吉林官兵已派大員統帶該將軍所轄亦屬緊要無庸前往軍營尋奉

命挑吉林馬隊二千派雙城堡副都統銜總管西昌阿等統領赴河南三年與副都統琦忠互訐並坐禡六年

賞藍翎侍衛充庫倫辦事大臣尋

賞二等侍衛充葉爾羌幫辦大臣平巴爾楚克土賊及英吉

沙爾回匪

賞頭等侍衛充喀什噶爾辦事大臣九年以疾乞休

允之同治九年卒

恩華隸鑲藍旗宗室鄭慎親王烏爾恭阿子道光十三年封輔國將軍授散秩大臣咸豐三年累遷總管內務府大臣奉

命借兵部左侍郎趙光查辦吉林將軍固慶副都統琦忠互訐事疏固慶於所委佐領依祿查拏私硝受贓自陳

後仍回護派審此案實屬意存消弭琦忠於固慶不遵定制挑馬甲及揀筆帖式亦旣一同畫行事經數月始行舉奏實屬徇隱於前攻訐於後應俱下部嚴議尋著吉林將軍偕趙光疏言近吉林各屬匪徒執持火器犯案甚多經刑部申禁私硝而打牲烏拉地方四百餘里無業旗民藉硝土爲生擔負售賣嚮不之禁乾隆間有硝達硝戶名目嘉慶初年以該處採辦貢品差務繁多將硝達硝戶奏裁歸鋪客採買其阿勒楚喀三姓等城亦然嗣後若概行禁止不惟妨旗民生計卽官用火藥亦形支絀否則又恐匪徒恃

火器滋事不可不防應請

旨飭吉林將軍及打牲烏拉總管妥議章程或援舊案仍編  
硝達硝戶以專責成或設官商鋪戶以便考覈總期  
於官私無礙下所司議行尋回京擢理藩院尙書兼  
鑲紅旗漢軍都統幫辦河南軍務以粵逆竄入直隸  
追剿遷延逮問科爾沁郡王僧格林沁疏請留營效  
力

允之明年卒於軍

景綸姓兆佳氏隸漢軍正黃旗道光二十七年由印  
務章京累遷察哈爾副都統咸豐三年授吉林將軍

疏陳設局鑄錢及濩務事宜並宜停辦如所議行明  
年部議夾信溝涼水泉開荒於二年後升科以裕經  
費疏言生荒全恃人功物力逐歲遞加舊章五年後  
起租蓋豫爲之計及如式起租尙有以功力不齊難  
於輸納者且此次開荒先取押租錢較前已覺刻苦  
若復迫之起租是農事未完賦期猝至卽不半途而  
廢亦必困於催科惟仍俟五年後起租庶辦理不致  
掣肘

從之八年

命往喀爾喀查辦巴爾虎喀爾喀爭控地界其後巴爾虎復

渝約疏言巴爾虎西界接壤之區應案雍正十二年舊圖由鄂爾板西巴爾臺西北安設漠敦哈沙圖阿魯布拉克二處卡倫方符舊章如必於有泉有井之地挪移卡倫不惟事隔百數十年難以爲據而轉啟喀爾喀爭執之漸請

飭黑龍江將軍查明奏辦並繪圖貼說以進十年疏言吉林地處邊隅戶鮮殷實官兵惟資俸餉黎庶惟賴耕作數年來以俄國越界各處籌辦海防所需甚鉅官民困苦實屬難支請將圍場外荒地一律開墾照夾信溝章程升科俾資供應餘則悉數解京明年倉場侍郎成琦至興凱湖辦理中外分界事因

命察墾地徵租情形成琦疏原奏墾荒在圍場外圍場初無牆垣僅以卡倫封堆爲界且詢附近居民有俟新荒開齊將卡倫封堆向內挪移之語

詔該將軍查覆疏言圍場北面東西封堆近依民田故設堆時截其參差不齊以明限制又伊巴丹等七處圍場樹木早已無存久徒滋弊擬裁撤招墾則封堆宜徑直挪設因繪圖貼說以進如所議行同治元年邊外土匪擾莫胡屯竄越松花江至呼蘭城及阿勒楚喀遣兵勦平之明年朝陽礦匪於三姓黑背山糾眾起

事遣兵及鄉團練勇擊敗之分路邀截殲匪千餘其渠葛程龍逸去遣副都統喀通阿等由興凱湖西南越俄界追及於雷風河斬之夏俄酋背約強搶罪犯並欲入三姓城交易疏

聞

詔俄人恃強要挾得步進步是其慣技已令總理各國事務衙門諭其住京公使轉行固畢爾那託爾將罪犯崔福得送交仍止其駕船駛赴三姓惟俄人詭詐難保不陽奉陰違可斟酌防範如有俄船由黑河口向松花江卽所在攔阻毋令任意駛行逸犯崔福得可知會富呢揚阿移文催

索三年鄂摩和蘇羅據匪由山徑出竄奉天所屬圍場界遣兵擊潰之疏陳圍場界兩省西至奉天

興京東連羣山至鄂摩和蘇羅及甯古塔綿亙千餘里其中山深林密最爲逋逃淵藪盜賊一經竄入官兵路徑不熟步騎皆無所施見派阿勒楚喀副都統德英選帶兵勇設法搜捕報

聞尋疏俄官石沙木勒幅等乘輪船向松花江上駛聲稱欲由三姓至吉林商辦要事派員迎阻堅不允從並於沿途繪畫山川形勢疏入旋陳俄酋駛抵吉林欲面見將軍商辦要事派佐領那斯洪諭該酋與常明明



祿等會議該酋以將軍不與接見與約不符回船東去

詔吉林三姓本非通商地方俄酋違約越界其曲在彼該酋欲面見將軍雖不宜自往恐乖體制何妨傳其來見責以違約越界折其虛憍之氣且可詢來議云何以憑辦理計不出此反令該酋得所藉口且任令繪畫山川形勢來去自由究竟因何而至仍茫然不知豈不令外國人輕視邊臣益無顧忌耶該將軍身任地方既不能阻其不來又不

敢傳見該酋據理斥之殊不知所辦何事未幾給事中劉毓楠以縱令協領常明等擅權納賄表裏爲奸劾罷

之光緒元年卒

阜保姓甯古塔氏隸滿洲鑲黃旗道光二十五年進士改翰林院庶吉士二十七年散館授編修同治二年累擢兵部右侍郎兼署工部右侍郎充

冊封朝鮮國王正使時吉林盜匪王五餘黨糾眾竄擾復西至大孤山句結回匪楊發等肆掠

命署吉林將軍嚴飭所屬會同黑龍江奉天官兵合剿內閣侍讀學士于凌辰疏稱吉林開闢日廣訟獄日繁請專設理刑大員或如臺灣添設道員例加按察使銜命察議疏言吉林地方苦瘠若設監司大員則衙署及僚屬

書差廉俸一切所需不貲日後公用仍無所出驟難  
輕議吉林與熱河俱在關外壤地相接情事頗同應  
照熱河設立刑司之例由刑部揀選正途出身漢郎  
中或員外郎一員使之主稿添設主事一員使之幫  
辦其理藩院郎中一缺本辦理蒙古事件其實蒙文  
無多擬改派刑部漢郎中一員使之掌印即原設協  
佐領仍留一員使之幫印即遇蒙文事件亦足辦理  
辦事衙署仍在刑司統歸將軍管轄三年期滿無過  
由將軍出具考語備文送部引

見

從之明年疏陳吉林賭風甚熾利重法輕罔知儆畏爲奸宄  
之藪實盜賊之源請

敕刑部分別覆議酌量變通俾各知警下所司議行又疏盜  
匪之竄奉天鐵嶺開原者復由大孤山東南圍場出  
竄擾及吉林放牛溝該處爲兩省毗連之區此拏彼  
竄最易藏奸請增兵進剿得

旨迅飭所添派佐領那斯洪等覘賊所向實力兜擒五年回  
京光緒四年歷遷刑部尙書正紅旗蒙古都統以疾  
乞休

許之八年卒

賜祭葬

富明阿姓袁氏黑龍江駐防隸漢軍正白旗或曰明故督師袁崇煥裔也道光七年從征回疆有功二十五年洵任佐領咸豐二年從征河南轉戰江蘇安徽以功數被

優賚

賞戴花翎

賜號齊車博巴圖魯累擢甯古塔副都統江甯將軍和春繼德興阿節制江北諸軍

命幫辦軍務戰六合創重

詔回旗調理食全俸同治元年起署正紅旗漢軍都統卽眞管理神機營事務尋

命赴揚州幫辦江甯將軍都興阿軍務明年授荊州將軍苗沛霖叛圍蒙城科爾沁親王僧格林沁往援

命幫辦軍務既至沛霖昏夜越濠謀竄爲王萬清斫斃圍解或曰初粵逆僞英王陳玉成號四眼狗者敗投沛霖沛霖誘而獻之降其黨是夜從二人巡濠故所降者也因斬沛霖首獻於萬清萬清誅二人自功其後江甯會城克僞忠王李秀成逸走溇化鎮乞食於老媪旣食伸臂脫金釧以酬媪疑之語鎮民焦贊其人贗

而黜儕輩因其姓以戲劇中焦贊名之於是從數少年循馬跡往追顛而獲焉以獻會城與蕭孚泗軍遇孚泗賚焦贊以秀成自功得封爵而萬清時亦得黃馬褂云富明阿旋兼署江甯將軍三年會國荃克江甯亦以蒙城及接辦防務功授騎都尉世職調江甯將軍兼署漕運總督以創發乞休

命食將軍全俸病愈來京五年

詔吉林需兵孔亟非簡諳練軍務大員督剿何以克靖邊氛富明阿可統兵即赴吉林會同保山妥籌剿賊尋授吉林將軍時馬賊姜樂道由勒克山西竄而李半瘋等據

平甸子等處令營總烏里布率兵往剿半瘋竄過江東因與富爾孫等會擊於闕家大橋葦子溝槐樹溝連戰皆捷獲半瘋誅之西路則自督師由八驛沿邊以進賊自黑爾蘇蛟河等處竄出令春壽率兵逆擊殪賊數百餘走奉天界令躡之而自督師入山搜剿擒斬甚眾餘益竄匿深山疏陳其概

詔認真搜捕以清餘孽山內挖金流民妥籌安置毋貽後患尋捐置鳥槍二百桿備黑龍江操兵防堵及捐銀修築吉林城冬遣擊竄賊於朱克特奇河等處敗之賊走黑龍江界九年以病兼戰創復發連疏乞休

詔允之仍食將軍全俸光緒八年卒

賜祭葬如故事

穆圖善姓那哈塔氏黑龍江駐防隸滿洲鑲黃旗咸豐三年以委參領從征河南轉戰直隸山東湖北安徽諸行省所在有功而戰安徽太湖潛山掛車河及桐廬功尤最累擢協領以副都統記名

賜號西林巴圖魯

賞戴花翎同治元年荆州將軍多隆阿督辦陝西軍務隨以行以功加都統銜三年多隆阿攻盩厔卒

命署欽差大臣擢荆州將軍督辦甘肅軍務六年署陝甘總

督十三年入

覲予雲騎尉世職光緒元年吉林馬賊由松花江竄巴彥蘇蘇焚毀衙署東走呼蘭復誘挖金開荒等匪出山肆劫調署吉林將軍呼蘭賊竄黑山由三姓走甯古塔之輝樹林官軍先後殄之而東山金匪聚十餘萬烏斯渾卡倫外又聚馬賊數百謀掠阿勒楚喀尋以派軍堵剿無所得食其黨漸散疏言吉林風氣偷弱近來馬賊及徒步之棒子手橫行村落雖數百戶之屯市亦聞而畏避任其飽掠兵至則遠颺入山而山中金匪十餘萬三姓長春廳亡命博徒久住城市與

金匪暗通聲氣時欲竊發三姓甯古塔琿春邊外延袤千百里外患交乘通籌全局非練馬步隊萬二千不敷守禦計通省制兵七千七百餘以二千豫備供差外擬挑選西丹練馬隊七千步隊五千分駐操防三姓甯古塔馬步隊各一千由三姓甯古塔至省城以阿勒楚喀爲適中總路亦撥兵扼紮餘駐省城及各邊隘隨時調派稽查荒佃捕拏金匪冬春圍獵訓練操演不數年卽成勁旅實防邊要策戶部以餉需無措議寢明年坐濫保永不敘用道員留吉差委罷尋起之五年歷調福州將軍十年法夷內犯

命大學士左宗棠爲欽差大臣穆圖善與漕運總督楊昌濬幫辦軍務以長門爲入閩門戶親駐防守會各國重修條約法夷於北洋議款不成折而南潛駛兵船入泊馬尾擊我兵船及船廠毀之我揚武兵船礮殪其酋孤拔夷船外駛扼之於長門而夷接濟兵船益自外至礮沈其一相持四晝夜夷亟謀外竄列其船於長門對峙之金牌擊毀我礮臺二守兵潰獨所部屹然夷登岸來戰伏兵敗之獲其剗船一礮二毀其舢板船二礮沈烏波船一餘船逸去明年

命爲欽差大臣會同東三省將軍辦理練兵事宜十三年

卒晉贈世職騎都尉

賜祭葬諡曰果勇

以上將軍

富僧阿姓舒穆祿氏隸滿洲正黃旗乾隆十年由藍翎侍衛累擢頭等侍衛授三姓副都統十八年罷二十三年由成都副都統再調三姓副都統明年調甯古塔副都統疏陳事宜一吉林甯古塔等處放票收漫文移所關甚要請各按地方鑄給關防一甯古塔等處官學教習須清文習熟之員嚮由官學生內挑補如一時不得其人卽於馬甲內通融選補三年期滿教課有方報部以筆帖式補用其馬甲開缺另挑

一三姓地方緝捕嚮於發遣人犯內派充此等皆不安分之徒轉恐騷擾滋事請另設番役十名並派員專管遇有失察將該員照例議處如所請行二十八年擢荊州將軍尋調黑龍江將軍三十年疏陳分遣各官往探興安山及有無俄羅斯人偷越自黑龍江至格爾畢齊河口水程千六百九十七里白河口行陸路二百四十七里至興安山其間並無人煙蹤迹又自黑龍江入精奇里江北行至託克河口水程千五百八十七里自河口行陸路二百四十里至興安山其地苦寒無水草禽獸又自黑龍江經精奇里江

入西里木第河口復過英肯河水程千三百五里自英肯河口行陸路百八十里至興安山地亦苦寒無水草禽獸又自黑龍江入鈕曼河復經西里木第河入烏默勒河口水程千六百十五里自河口行陸路四百五十六里至興安山各處俱無俄羅斯偷越我呼倫貝爾與俄羅斯接壤之額爾古訥河西岸係俄羅斯東岸俱我國地界處處設有卡座直至珠爾特地方今復自珠爾特至莫哩勒克河口添設二卡於索博爾罕添立鄂博逐日巡查俄羅斯龜瑪爾斷難偷越其黑龍江與俄羅斯接壤處有興安山延互至

海亦斷難乘馬偷越第自康熙二十九年與俄羅斯定界查勘各河源後從未往查嗣後請飭打牲總管每年派章京驍騎校兵丁六月由水路與捕貂人同至託克英肯兩河口及鄂勒希西里木第兩河閒徧查回報總管轉報將軍三年派副總管佐領驍騎校於冰解後由水路至河源興安山巡查一次回時呈報而黑龍江官兵每年巡查格爾畢齊河口三年亦至河源興安山巡查一次年終報部

詔允行三十三年調西安將軍四十年卒官

賜祭葬如故事



愛隆阿姓覺爾察氏隸滿洲正黃旗乾隆二十年以本旗護軍參領擢齊齊哈爾副都統尋調伯都訥副都統明年授領隊大臣赴巴里坤軍所部吉林及索倫兵戰尤力

高宗御製回纛詩有是時實賴愛隆阿率千騎至皆奇勇橫衝截入亂回陳斬將獲醜如囊探二十五年凱旋授正白旗護軍統領兼鑲白旗蒙古副都統明年圖形

紫光閣

御製贊曰將門傑種拍張撫髀受將軍檄力戰全歸整師再進鼓勇陷堅弟巴靈阿盡節軀捐二十七年論平定準噶

爾回部功授一等輕車都尉世職兼一雲騎尉明年授伊犁參贊大臣三十年卒

增海隸正藍旗宗室也乾隆二十二年由侍衛班領授吉林副都統兼署伯都訥副都統二十五年疏稱伯都訥副都統衙門額設漢字筆帖式二員請以一員辦理清字事件一員改爲本處拜唐阿補放之缺於通曉滿洲蒙古字能翻譯者挑取專辦蒙古事件如所請行二十七年疏陳獲私行買賣人蔓王士學等八人照例治罪將人蔓及銀一併入官得

旨查出銀兩數在百兩內者不必入官分賞原拏之人如在

百兩外作爲三分二分入官一分分賞著爲例明年調甯古塔副都統疏請添設監獄

從之三十二年擢廣州將軍明年調福州冬調署伊犁將軍授理藩院尙書三十五年調黑龍江將軍疏請停止墨爾根驛站額設牛隻每年報倒六分之例准其三分報銷又疏言呼蘭運糧船隻自佐領兼管以來並無貽誤請將管理墨爾根戰船四品官一員裁撤於墨爾根協領內揀選一員並如所議行三十七年調盛京將軍明年卒官

詔以歷練老成屢膺統轄重寄辦事實心甚惜之贈太子太

保

賜祭葬諡勤果子德清阿官阿勒楚喀副都統

伊鏗額隸鑲藍旗宗室和碩簡親王豐訥亨子乾隆四十九年由鎮國將軍授二等侍衛嘉慶七年累擢伯都訥副都統調墨爾根城副都統十二年仍調伯都訥副都統明年調吉林副都統疏言甯古塔有山西民劉源與直隸民陳萬倉爭糧石被傷致死情節支離請將原驗之防禦倭克吉訥承審之佐領依成額褫職防禦德西和勒歸案質訊讞定治罪如律十四年

命以副都統銜充葉爾羌辦事大臣尋授喀什噶爾參贊大臣  
明年以吉林私種蕩苗該管官於解到商買餘蕩  
多係秧蕩

遣官查辦究出伊鏗額前任副都統侵用銀千餘兩坐禡十  
八年起充伊犁領隊大臣尋

召回京二十四年充阿克蘇辦事大臣卒

常德姓索樂烏札氏黑龍江人隸滿洲正紅旗乾隆  
五十七年廓爾喀擾後藏從征有功嘉慶二年從征  
三省教匪九年以功累授佐領

賞戴花翎

賜號廓爾察巴圖魯十八年再遷總管道光三年

命以本職在乾清門行走十三年授伯都訥副都統調三姓  
副都統十八年乞休

允之尋

詔食全俸以養餘年十九年卒年七十有五以上副都統

李金鏞字秋亭江蘇無錫縣人故賈也有裨闔才用  
事例及保舉累官知府需次於直隸光緒六年吉林  
有意於治疏設有司官將軍銘安咨調道員以下於  
直隸以碌碌無所見請行明年授檄往琿春度荒地  
四十餘區招徠墾種有爭訟則平之蘇城溝者在琿

春東咸豐時以歸俄羅斯所在數千戶皆華民也以  
彼征斂苛積與迕俄威以兵金鏞召遷界內撥田與  
之民賴以全使者奉

詔來定界議謂昔年分界初未照約劃綫而罕奇毛闊崴  
等鹽場海口我所必不可讓者皆列於綫外中俄條  
約故以海中之嶺爲界嶺東屬俄嶺西屬中國宜據  
與爭使者度俄必不從則姑索黑頂子黑頂子背海  
面山去琿春六十里周以俄境中一綫達琿春不足  
索也則姑佐使者索之俄亦以非要地歸焉顧俄頗  
敬服金鏞與書特署曰李知府自外姓名之而已八

年署吉林府攤丁於地民田病潦出俸溝洫之明年  
移署長春府金鏞故坦易不事威儀所至視民如家  
人與言孝弟力田操南音恐民不喻反覆不自休民  
以是益親愛之出俸倡建養正書院購書數千卷度  
資學者且厚其廩餼又建同善堂一時有李高兩青  
天之目高謂奉天昌圖府知府高同善也壤與長春  
接而金鏞請免丈量夾荒事民尤悲思至今初長春  
故蒙古地

朝廷借居流民民墾荒者具押租錢至郭爾羅斯納蒙  
古公領地歲仍納租錢久之墾踰所領故曰夾荒於

是丈量議起民復釀錢以賄相與立永不丈量碑矣  
既又言理藩院代請丈量

朝旨如所請金鏞爭之將軍且搗碑以獻曰丈量公有  
所得某有所得他亦各有所得不丈量則皆無所得  
也將軍笑曰得幾何曰若而數又笑曰君休矣時銘  
安已罷將軍蓋希元也未幾希元去金鏞亦去十二  
年擢道員開金礦黑龍江之漠河旋卒北洋大臣李  
鴻章具其事以

聞

詔贈內閣學士蔭一子知縣於原籍建祠且

命國史館立傳傳吉林循吏莫或先矣惡得以所從出少  
之劉貴者不知何許人蘇家溝民義之推爲長俄令  
短髮如其制倡言俄夷也吾儕中國民而變於夷不  
可俄怒掩誅之跳免誅其孥殆盡於是蘇家溝民遷  
於界內貴依金鏞以終論者以貴非徒義長其曹焉  
且忠於

國

楊同桂字伯馨順天通州人性警敏於學多所涉有  
當世才用國學生再應京兆試報罷援例官同知會  
東三省有練兵大臣之設奉天吉林黑龍江總統各

一大臣以年番閱必躬至穆圖善猶如制奏同桂隸  
行營歷充幫辦奉天支應局總理發審營務總辦兼  
署翼長出閱必以從於是東陲扼塞慮無不目營而  
心識之矣所治亦輒理以勞保補缺後知府用又援  
例加運同銜戴花翎爲吉林將軍長順所咨調尋奏  
留吉林歷充總理吉林邊務糧餉處發審局幫辦光  
緒十七年長順及分巡道訥欽以吉林

龍興地方志闕如議開局創修奏入

報可同桂適引

見返以充提調兼分纂志中沿革考及大事疆域所輯也

識者稱其精覈二十一年長春以丈量病農事具李金  
鏞傳增稅商亦病故交闕同桂承檄署知府事際瘡  
痍之後人心皇皇日輕騎從數役走郊野躬與拊循  
歸則坐堂皇清積訟所下條教及一切官文書皆手  
治下筆立就曲中事理同桂身不踰中人貌白皙視  
之文弱書生耳機牙四應如此數月頌聲盈途次年  
代去二十二年長順舉人才與知府謝汝欽並聞於

朝

詔送部引

見未行檄署知吉林府事以疾卒始伯都訥于氏爲鄉人

長順所許長順以

聞

遣使來讞或奏長春事不盡如長順所陳

遣齊齊哈爾副都統增祺來勘而瑋春副都統恩澤幫辦

邊務與長順時有齟齬及署將軍事多反所爲且因

言者劾所素疾同桂旣嘗總理邊務糧餉而伯都訥

長春二獄並周旋其間獄卒弭而亦不見疾於恩澤

人以此報其才他所著

盛京疆域考及瀋故考而卷又南北史地理補志未成

續香醉其辭要二十半其辭也又其辭員其辭金

